

¡BOMBA!

Estos son momentos crueles,
es una ansiedad fatal:
o la guerra comercial,
o libramos aranceles



K'intsil

Miércoles 2 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2450 · www.lajornadamaya.mx



Myanmare' ku ya'alik tu bin u xu'ulul u k'iinil u kaxta'al kuxa'an máak tu yáam ba'ax nikikbal

Ap / 28
Oochel Reuters

Múuch'o'ob áantaje', tu kaxto'ob juntúul ko'olel 63 u ja'abil le martes máanika', ko'olele' ti' yaan ka'ach tu yáamil jump'éeel kúuchil jniik tu noj kaajil Myanmar, ba'ale' walkila' jujump'iitil u bin u xu'ulul u alab óolil u kaxta'al uláak' máak kuxa'an tu jo'olaj tiitpajak lu'um tu'ux, tak walkila', ts'o'ok maanal 2 mil 700 máako'ob, ts'o'oke' le je'ela' ku talamkúunsik ba'ax ts'o'okili' u talamtal ti'al kaaj yóok'olal ba'ateltáambal.

U kúuchil meyaj tup k'áak' ti' u kaajil Naipyidóe', tu ts'áaj

k'ajóoltbil ko'olel kaxta'abe', tu máansaj 91 horas tu yáam le kúuchil jniiko'. Walkila' ku ya'alale' talam u kaxta'al uláak' kuxa'an máak tu jo'olaj 72 horas tiitpajak lu'um, je'el bix úuchik le viernes máaniko', tumen péeknaj lu'um yéetel u chichil 7.7.

General Mian Aung Hlaing, máax jo'olbesik militares tu kaajil Myanmar, tu ya'alaj tu kaajil Naipyidóe', ts'o'ok u kaxta'al 2 mil 719 kimeno'ob, ts'o'oke' ti' le beyka'ajo' yaan uláak' 4 mil 521 máax ti'ob úuch

loob, yéetel 441 u túul máako'ob saatal, je'el bix a'alab tu kúuchil web Myanmar Western News.

Walkila' táan u tukulta'ale' yaan u maas ya'abtal kimeno'ob tu yóok'olal. Úuchik u tiitikubáaj lu'ume' ya'abach tu'ux jp'áat miná'an sáasil, mix xan u conexionil ti'al u yúuchul t'aan, ts'o'oke' k'aschaj bejo'ob yéetel puentes, le beetik k'as talam u jach xak'alta'al tu túulisil beyka'aj ba'al k'aschajij.

U ya'abil ba'ax ts'a'aban k'ajóoltbil tak walkila', taalja'an ti'

Mandalay, u ka'ap'éeel nojoch kaajil Myanmar, naats' yanik ka'ach ti' u epicentroil le tiitajilo', yéetel naats' ti' Naipyidó.

"Ya'abach ba'al k'a'abéet ts'o'oke' lalaj súutuk u bin u ya'abtal", tu ya'alaj Julia Rees, máax chíikbesik UNICEF tu kaajil Myanmar. U k'iinilo'ob ti'al u yáanta'al máak tu yáam ba'ax nikikbale' táan u xu'upul. "Tuláakal tu'ux táan u binetik uk'be'en ja', janabe'enba'al yéetel ts'aako'ob", tu ya'alaj.